

飴山詩集



831037

館山詩集序

吾鄉新城王漁洋司寇執騷壇牛耳提衡海內凡數十年後起而持同異之論者爲博山趙秋谷先生先生足迹半天下翰墨流傳貴之者如拱璧而未視其全稿歿後滇南李鶴峰閣學視學山左就鈔於其家以還於京余自初作詩卽奉先生論詩之旨爲依歸逮成進士座主陽城相國實出先生之門因介同里宋蒙泉編修乞閣學之本刊之於津門嘗約舉先生談龍錄大旨持異於漁洋而未嘗不同歸者以弁之簡端適聞本家刻本已出隨罷茲役旣而蒙泉寄刻本並爲徵序余前序先生

序

生之詩見并門觀海二集而未嘗見其序序并門者爲蒲州吳天章序觀海者爲南海陳元孝兩公皆與先生輩行相倡和其序能盡先生底蘊顧余小子何能爲役無已則仍以兩先生之論序之蒲州序云秋谷抱異才負奇氣淳泓駿發其於世也率然自好無所緣飾故其爲詩也直而不俚高而不詭以如其爲人南海序云秋谷好縱酒喜諧謔後進以詩文贊者合則投分訂交不合則略視數行揮手謝去觀海一集氣則包括混茫心則細若毫髮片言隻字俱不苟下其要歸於自寫性直力去浮靡兩先生之論如此嗚呼詩以道性情詩作於

千載以上而能使千載以下讀其詩者可歌可泣愴然想見其爲人此非緣飾之工亦惟其性情之真有以不朽於斯世而已若使不病而呻吟處順而感慨後之人何從而尙論之今先生之詩具在論之者可以想見其早年遭際承明仔肩鼓吹之氣概可以想見其一蹶不復起窮愁憂憤莫可抒洩之懷抱可以想見其遍遊名山大川之學識可以想見其上下千古磊落不可一世之精神余未親侍先生讀先生之詩而見先生之真性情當吾世而後不乏奇懷尙友之士以兩公之論讀先生之詩並讀千載以上之詩謂先生與李杜韓蘇諸公長存天地間可也甲戌九月德州門下後學盧見曾書

館山詩集總目

卷之一

并門集 古律雜歌詩四十四首

卷之二

閑齋集 古律雜歌詩四十六首

卷之三

還山集上 古律雜歌詩六十首

卷之四

觀海集上 古律詩二十首

卷之五

館山詩集 目錄

還山集下 古律雜歌詩三十九首

卷之六

觀海集下 古律雜歌詩六十二首

卷之七

鼓柅集上 古律雜歌詩一百八首

卷之八

鼓柅集下 古律雜歌詩一百一十五首

卷之九

涓流集 古律雜歌詩三十九首

卷之十

葑溪集

古律雜歌詩六十五首

卷之十一

紅葉山樓集上

古律詩三十二首

卷之十二

紅葉山樓集下

古律雜歌詩四十六首

卷之十三

浮家集

古律雜歌詩七十二首

卷之十四

金鵝館集

古律雜歌詩六十二首

卷之十五

館山詩集

目錄

廻颿集

古律雜歌詩七十六首

卷之十六

磻庵集一

古律雜歌詩七十四首

卷之十七

磻庵集二

古律雜歌詩三十三首

卷之十八

懷舊集

古詩十四首

卷之十九

磻庵集三

古律詩二十七首

卷之二十

詩餘 小中長調七十二闋

館山詩集 目錄

三

井門集序

歲甲子秋谷使於晉得詩百篇以示余其詩結體清真  
脫去凡近非曰字句之工而已余嘗論古人一言一詠  
皆有體格體僞而格下者雖聲文斐然皆凡也近也秋  
谷抱異才負奇氣淳泓駿發其於世也率情自好無所  
緣飾故其爲詩也直而不俚高而不詭蓋如其爲人矣  
夫十五國之風詩唐最近古秋谷行其地其有取乎陶  
唐氏之遺風而爲之者乎余晉人也山川都邑登臨覽  
觀之勝皆少所習者顧不能言之及秋谷言之而正如  
余意卽恐余雖言亦終不逮也其在唐風有杖之杜曰  
彼君子兮嗟肯來游中心好之曷飲食之撫斯集也味  
是詩而三歎焉河中吳雯撰

倉山詩集序

飴山詩集卷之一

青州趙執信

并門集 古律雜歌詩四十七首

督亢懷古

燕丹昔逃秦身免怨未雪千金求死士快意期一決徒  
逞匹夫憤焉知霸王烈我聞燕先王築臺市駿骨晚得  
昌國君雄心一朝豁全齊七十城紛如槁葉脫但隆郭  
隗禮不灑田光血豈有熊羆臣輕試虎狼穴可憐易水  
上壯士衝冠髮事敗國旋亡寂莫名未滅

涇陽驛雨甚行豪皆濕輿中聊述

飴山詩集

一

欲知肩輿行遇雨有似曳尾塗中龜聳身延頸欲前去  
四足不動如懸槌楮窗敲枕雨脚入紛斜一任西風吹  
我旣衣裳有霑濕迴視我僕嗟亦疲幸餘臟腑未滯濯  
豈免涕淚同淋漓無因天漏藉石補反思油衣以瓦爲  
人生有情每無厭遨遊謂樂居可嗤請看行役足辛苦  
他時枯坐無庸悲

道傍碑

道傍碑石何纍纍十里五里行相追細觀文字未磨滅  
其詞如出一手爲盛稱長吏有惠政遺愛想像千秋垂  
就中行事極瑣細齟齬不顧識者嗤徵輪早畢盜終獲



爵官旣葺城堞隨先聖且爲要名具下此黎庶吁可悲  
居人遇者聊借問姓名恍惚云不知住時於我本無思  
去後遣我如何思去者不思來者怒後車恐蹈前車危  
深山鑿石秋雨滑耕時牛力勞輓推里社合錢乞作記  
兔園老叟頤指揮請看碑石俱飄斃身及妻子無完衣  
但願太行山上石化爲滹沱水中泥不然道傍隙地正  
無限那免年年常立碑

獲鹿至井陘道中三首

城邊沙水路數里入山村高處雲封屋秋來草沒門牛  
羊緣澗遠童稚避人喧却聽樵歌返前峯日已昏

并門集

二

驅馬指榆水

村名

晚陰山雨來前村一點火倦客意悠悠

猶隔數峯遠還從深樹迴暗中聞犬吠始見竹籬開

曉日不照地羣峯方障天行人聽雞起鳥道接河懸遠

樹猶藏雨高城半出烟秋來無限思牢落付山川

井陘道歌

晚雲挾雨風不休井陘古道行人愁未知駐足竟何處  
羣山來往相遮留初緣細路行逾上風中一線秋空浮  
徑迴兩壁競奇詭坐令谿谷成深幽久行祇畏前路絕  
下視尋丈何能投失勢忽落不自覺天宇頓被蒼厓收  
四圍樹石怒相向森然挈攫紛蛟蚪人如迴颺激下葉

馬擬古棧穿猿猴已覺心氣俱沮喪敢云追躡窮冥搜  
嗟乎絕險天所設左車當日真良謀如何旗鼓走水上  
戲下反致成安頭古來成敗兩寂寞山川滿目增煩憂  
道傍戰壘野花放雨餘山鳥鳴啾啾

宿平定州雨竟夜聞七十二河水大至

倦行得投憩如鳥有棲託下馬衣盡霑入門步猶却屋  
角張明鐙晚炊具藜藿取足供醉眠濁醪恣深酌窈窕  
青玉峽迢遙夢中約如何就枕憂反遜據鞍樂入夜殷  
雷喧雨聲亂城柝汎瀾散簷溜浸淫到帷幪頗聞向曉  
行驛路緣澗壑石齒旣叢生潦水正噴薄四山懸瀑集

井門集

三

勢若崩厓落直恐穿山脅安能容畧約已知前路難更  
聽雨勢惡殘更遠欲斷冷焰濕不著轉畏天欲明孤吟  
向索莫

涉七十二河

犯曉指前途天清雨氣散廻瞻孤城際遙出大河岸山  
勢鬱屯雲水聲激流電波盪巨石奔灘坼地軸轉居人  
能鄉導小駟頗趨悍揚鞭亂流去直與驚湍戰圓浪欲  
沒鞍輕漚時及面浮沉遡衆川攀緣望絕棧豈惜衣履  
濡寧辭登涉倦斜陽向晚放驛舍炊烟亂有如其國歸  
遙天見鄉閭馬飢僕亦瘠水盡山未斷候吏不須迎前

馳已如箭

晚發芹泉驛夜過壽陽

日暮憩芹泉暝色動諸嶺路紆未擬停馬飽方思騁新  
月午微茫羣星半耿耿遠雲時作陰積雨正多灣地明  
知近河徑轉畏逢穿不知幾里遙忽在萬峯頂陰陰俯  
厓際簌簌亂林影深谷聚豺狼澗潦喧鼉山腰忽一  
燈鬼火出埒井秋毫皆易驚觀聽何由屏風高溪壑哀  
露下衣裳冷前途漸逶迤客心轉虛迴昏眸呼不開倦  
轡時復整壽陽城上鐘殘夢三更醒

夜度黃嶺

并門集

四

星稀月落夜轉昏黃嶺嶺上寒生雲憑虛直上二十里  
勢與天鬪爭中分我行但覺馬人立據鞍自笑如孤猿  
前驅已遠後相失空餘呼嘯風中聞昨聞此嶺真險絕  
頓愁無翼難飛翻曹然登降無所懼夜氣爲我留精魂  
泥路蜿蜒勢漸下俯聽雞犬囂荒村東方放曉日欲出  
却望天際危此身

中秋夜

秋氣驅殘雨空庭來遠颺一杯桑落酒半夜月明時久  
客嫌宵永初寒覺醉遲還將蕭瑟意遙與菊花期

太原縣拜先曾大父生祠三首

曾大父昔爲少叅均晉祠水利有德於民故祠焉祠  
鄰大佛寺楹間有觀察叔祖奉使時所題詩

曉色微分秋暮天村烟祠樹正清妍遠山雲氣日初上  
古寺梵聲鐘共傳下馬身從千里外登堂夢隔十年前  
他鄉歲晚增多感酌酒臨風一愴然

當年棨戟駐河干片紙能令萬戶歡曾向清流照顏色  
到今白叟識衣冠村荒亂木隨秋下山逼驚風盡日寒  
歲序易遷遺廟在居人珍重後時看

憶從薄宦客京師邱墓松楸入夢悲乍喜家山歸有日  
又來汾上住經時兒孫在灑天邊淚父老能留去後思

井門集

五

待向故園兄弟道他年重問舊題詩

方圖便道歸省

雨中泛汾水感興

細雨已作泥微風能漾舟渺渺入汾水匆匆懷勝遊漢  
代昔巡幸畫舸張龍旂冠蓋擁前列簫鼓橫中流棹歌  
今歇絕千載長清秋我行望天末雲物慘不收羣山莽  
迴互水木相綢繆地勢亘終古世事隨浮漚乃知前人  
名翻藉山川留舟人理楫急及岸還夷猶把杯酌水涘  
此意空悠悠

九日晉祠

野菊霜姿向客妍孤村木落更蒼然也將世上黃塵面

來對山中碧玉泉，桐葉遺封還百里。晉陽王氣已千年，  
爽鳩東望堪憑弔。都付西風落照邊。

將遊鑛鐵院以病不果

古院不一遊，虛作并州客。寒鐵夜有芒，秋井水無色。病  
思清冷對夢覺，鐘梵寂寂想見靜。中僧時時掃苔迹。

發太原

青烟一點望依然，馬首蒼茫又著鞭。此地空罨桑落酒，  
故園已過菊花天。薄遊歲月清霜候，歸路關山黃葉前。  
惟有離心汾水上，應隨秋雁共年年。

晚行

井門集

六

兩脚背城見前村，開晚晴近山風轉急。隔水月初生，樹  
杪懸燈火烟中。隱碓聲今宵魂斷處，野館醉三更。

郭有道墓下二絕句

斗筭賤役良不屑，識鑿人倫亦偶然。何意舟同李元禮，  
時流解望作神仙。

中郎無愧至今稱，因憶昌黎豈近名。不是高文能諛墓，  
黃金何處壽劉生。

冷泉關

霜凝疎樹下，殘葉馬踏寒雲穿。亂山十月行人覺，衣薄  
曉風吹送冷泉關。

曉過靈石

曉色依微嶺上橫，望中雲物轉淒清。  
林收宿霧初通日，山挾迴風盡入城。  
客路遠隨殘月沒，鄉心半向早寒生。  
驚鴉滿眼蒼烟裏，愁絕成樓橫吹聲。

國士橋

橋上馬嘶破殘月，溪邊流水聲幽明。  
風迴激浪上橋頭，似濺當年擊衣血。  
伏劍如飴豈顧身，至今此地留精魂。  
由來國士自千古，試問中行是衆人。

始雪過東西塢二嶺

天陰覺曉遲，乍雪山更寂。蕭槭絕人烟，蒼茫入寒色。  
林空遠望通徑轉，迴峯逼二嶺。鬱相當中見，雲氣積高風。  
東四山冥冥接天白，行人躡空濛。馬足畏偏仄，忽疑厚地傾。  
又覺陰厓踏澗壑，何深幽云是虎狼。宅地險念身，孤客久知時。  
迫故山，候尚溫。奮飛無羽翮，向暝昧所投。浩然促輕策。

沁水使院望石橫山雪

孤峯壓城頭，雪色落屋瓦。高堂收衆陰，目極天四下。  
空烟寒欲開，晚雲散如瀉。遠見羣山來，莽莽亂奔馬。  
長松分巖谷，猛虎憑城社。入夜風怒號，居人畏中野。  
行役良苦辛，山川自蕭灑。悵望聽深更，躊躇引杯舉。

陽城夜飲

高館張燈天向昏  
山城打鼓曉逾喧  
不知酒力誰深淺  
一夜開簾雪沒門

山行雜詩四首

嶺路盤盤行欲迷  
晚來霜霰忽淒淒  
林間風過猶兼葉  
澗底寒輕已作泥  
馬足蹙時疑地盡  
溪雲多處覺天低  
倦遊莫訝驚心數  
歲暮空山鳥亂啼

晚雲忽散見峯顛  
遠寺鳴鐘思悄然  
積雪更宜新月照  
輕烟不障暗流懸  
行同宿鳥趨林急  
穩羨山僧擁絮眠  
正好溪風送前路  
一燈明滅戍樓邊

井門集

八

絕巘平臨遠目開  
天風吹我離去  
氛埃路于殘雪消  
中見人自羣山闕  
處來樹外連峯橫  
作郭馬前雲氣散  
成堆平生蠟屐幽  
尋興落日登高首  
重廻

十日山中汗漫行  
山雲作意變陰晴  
連天細雪因風急  
近郭空烟接日生  
鞭影遠牽殘照色  
馬蹄寒踏斷冰聲  
定知此後相思處  
贏得清樽夜夜傾

發澤州宿星軺驛盡日行太行最深處

出郭未十里陟嶺凡幾盤  
徘徊初日影隱見羣峯端  
遙空斂餘陰山風增曉寒  
我行曾冰中仄徑愁躋攀  
馬壓後人頂足滑不得安  
縈紆自信地倒側惟隨鞍  
久依懸

厓轉每疑絕壁穿歟同鳥上下紛與雲勾連平臨衆皴  
出旁見高天寬四山森列笏戢戢爭荒烟林木接蕭瑟  
萬壑寒聲傳牛羊入殘雪蠕動叢莽間登頓倦行侶曠  
覽開心顏日晚見人家列屋緣層巒斜陽明萬瓦烟火  
動夕餐不厭野宿孤益羨山居便溪黑虎豹嗥月出烏  
鵲還歲晏遠爲客中宵起長歎

天井關

試凭雄關望偏增客意豪驚風吹澗直落日覺山高亂  
樹入雲盡悲禽分野號從來爭戰地覽古首頻搔

太行絕顛望黃河歌

并門集

九

曉日欲放山盡紅行人犯曉行山中連峯障天望何極  
唯餘雲氣寒濛濛冬深冰雪塞大地只虞馬跡無由通  
前臨忽覺地形逼兩河煙樹開千重中間烟斲樹滅處  
青黃一道連高空初疑當風曳雲錦又似東方升蟠螭  
料量始識大河見勢擬天闕懸飛龍崑崙崙崙倒瀉幾萬里  
劃分南北無始終蜿蜒勝已控秦豫奔騰氣欲吞華嵩  
眼底太行將恐沒古來雄觀何能同我聞近年水大漲  
舟楫日夜相撞舂有時青天萬艘失咄嗟人命隨悲風  
江淮相接渺巨浸田廬盡作蓬蒿叢海門不啟河伯怒  
坐令堤埽難收功卽今遠望僅如帶長光指點愁匆匆



可憐黔首半魚鼈漫言遊子開心胷

下太行入河北

萬山圍馬首峻嶒行相逼如入稠人中倉皇亂地揖連  
朝躡危險徒侶疲登陟曉看白日近漸覺山勢急前路  
紛羊腸下赴將何極眼明見平地河色漾寒碧浮雲千  
里通清流一線直參差散林莽指點辨城邑久行望彌  
真屢下境轉徧廻視高峯顛一一詫所歷野曠山盡收  
村晚天半赤向風指孤煙息此窮日力

晚次清化鎮

晚風亂叢竹四野青欲收回頭謝寒山臨別還夷猶孤

井門集

城殘照盡雉堞隨星浮烟際聞人聲馬倦亦知投

仙居行

仙居亦在黃塵裏碧瓦如鱗點衛水衛水無聲四野愁  
神仙不至千夫死城頭寒日翻大旗使君來遊何委遲  
朝朝鼓吹沸城出借問曾與仙靈期仙靈窟宅知何處  
海天茫茫隔烟霧盡將膏血作樓臺留與行人自來去

遷大夫墓

車聲轆轤及闕止衛靈夫人識君子可憐荒土不分明  
千古彌瑕共埋死因知往蹟多湮沉下馬陌頭霜草深  
尺寸偶然留姓氏武公康叔渺難尋

大名

霜樹迷離擁戍樓寒風近北倍颼颼英雄河朔銷亡盡  
獨倚斜陽指魏州

魯連村咏魯仲連

漫說帝秦片時事獨憐排難一生心空驚玉貌圍城裏  
東海茫茫何處尋

華山行

跛者御跛者登婦人帷房聞笑聲笑聲未絕晉師興華  
不注山干青冥山前東畝何縱橫欲尋丑父易位處華  
泉之水今猶清紀獻與玉磬差異城下盟寡君奉親以  
色養豈意社稷將隨傾嗚呼寧獨巧笑能傾城

并門集

七

雜詩五首

作客一朝歸如夢久而寤時時心目間愉快各有遇  
溪清淺流連村遠近樹兒時所經觀半猶存其故峩嶺  
雪乍晴煙斂萬家曙磴道入高寒雲山遠廻互忽驚風  
景真轉恐遨遊誤漸多相識人踟躕屢狂顧遙見西郭  
門疲馬趨如鷺莫避市上塵去此十年路

峩嶺  
山名

羈棲空計日客遊常畏人豈意廣坐上復覩平生親再  
拜視顏色悲喜不可分長者酌我酒相問遞殷勤童穉  
不相識牽衣皆弟舅自憐語音變稍有形容存且與恣

歡讌艱難安足陳

雪後天氣佳選勝攜我友不知山與泉頗憶疇昔否城  
邊初日上寒色遍林藪行緣荆山足漸出秋谷口淺瀨  
漾輕冰空烟散枯柳更陟峩嶺顛極目盡諸有峯壑雜  
樓臺出沒各爲耦疑是太行中西望頻搔首風土有雷  
同取意分薄厚笑問同遊人還勞倒尊酒

招我何碌碌家家春酒熟竭來二十日日日得所欲風  
霜雖苦辛醉飽亦酖毒昨宵双眼昏展轉羞明燭向晨  
昧冠屨對案廢篇牘妻孥頗嘲訕客至每局促憶登并  
州塞遠窮千里目祇恨杯酌疎在家病良足

并門集

三

高堂張華燈少長各爲羣寒風斂殘日氣候晚如春酒  
行更相勸旣醉情彌敦豈辭今夕醉將爲明年人非徒  
明年人復是異地身預憂西北路冉冉隨浮雲住日殊  
未厭去意方恐分人生苦樂情終古何時均

館山詩集卷之二

青州趙執信

閑齋集 古律雜歌詩四十六首

送同年馮大木舍人校士湖廣

春秋鬻熊國強大割周甸壤地盡荆梁雄風帶江漢中  
分齊晉霸外並秦吳悍三戶竟亡嬴遺烈發項難當時  
盛兵力遞世優文翰莊屈引商音朱絃渺餘歎邇日頗  
衰靡聲格就雌懦才豈敵國用瓜待梁人灌吾友馮舍  
人詩思掣驚電躡輟秘閣直不愧中朝遣振衣黃鵠磯  
搴芷碧湘岸楚士競磨厲治鞵鞞鞅絆兩廣嚴權勁三

館山詩集

二

秋耀組練看君建大旗一鼓萬色變徹札養叔登蒐爲  
得臣薦前年我往晉力欲追舊觀勢已弱古昔時會多  
謗訕厚乞汾晉靈小覺耳目換於今論文事毀譽雜真  
贗主盟不相下牛耳爭欲擅邾滕爲人私門戶紛難算  
吾儕亦分道相視各笑粲兩賢旣莫避計畫須早辦楚  
自長宋盟晉實先魯傳雖聽向戍成不免遺疆諫一彼  
與一此事後互譏羨我方怙鄢勝君請力郟戰彬彬晉  
楚從來歲交相見

送吳天章之太原二首

秋雨勢不已秋風動萬山送君薊門路計日非陘關水

暗黃榆色峽迴清玉顏猶餘馬行處憑夢一追攀青玉峽在

陜井

把酒說并州茫茫感昔遊邊聲催月曉山氣壓城秋桑  
落經時醉黃花九日留君歸渡汾水爲問雨中舟

贈李生

生宣城人能星緯  
兼相人時將歸矣

李生烟霞人至道窺窳奧有術不自匿變怪出談笑往  
爲嶺海遊列郡恥晚到竭來長安市一日屈衆妙傳聲  
疾雷霆按訪逮形貌輿隸熟招邀公卿藉炫耀相知我  
最先奇技向亦好每同宋忠載過請季主教千支重爬  
羅頭面久量校勸我忍貧下計日許騰趙感子鄭重意  
失喜還自悼生本田野夫一第良忝冒早仕乏問學行  
意成輕傲閒官慙報稱孤立叢謗譙常憂忽失墜知病  
竟莫療天時子有徵入事我所料子今欲歸去舊山譜  
清嘯索詩持當券不貸王孫報何殊俟河清未必同燭  
照覬子言屢中萬一此亦效待我乘星車請子理煙棹  
贈賄恐未能遠當遣迎勞

送費生赴淮上

燕市居十年酒徒能幾箇假使設壇坫我將子當佐僦  
屋一僻巷氣味兩寒餓招請無昏旦主賓雜坐臥狂或  
怒朋輩醉不避驚邏世事如瀾翻舊歡與夢破子今結

東去幕府據高座騎馬到淮南猶及嘗新糲我方持筆  
札計日按程課心隨知舊散氣以貧病控海門波澎湃  
蘄北塵堀堞銜杯遞相望獨唱誰與和

送同年梁原山吉士改官歸太和

西江人士意氣豪潯陽九派飛寒濤吾黨梁子尤駿發  
雄視不覺霜天高姓名早入玉堂籍十年削跡棲蓬蒿  
今冬強起上謫 帝帝遣換職歸諸曹朝廷用人有深  
意衆口不解徒嘈敷尚書事重繫民命竿牘山積煩爬  
搔年少諸郎習疎放止堪持酒談風騷木天清曠足容  
納坐令戢戢同牛毛如君才力豈易得列卿端藉分憂  
勞鴻鵠一舉不可網復欲息羽投林泉斲歸聊以慰慈  
母驟別豈免傷阿袍酌酒勸君好自愛南下催馬風如  
刀

閔齋集

三

同年曹蓼懷編修生日索贈

人之有年歲譬若影附形上分日月光下與燭火爭燭  
景應明晦歛過無滅增偶然積多寡多者人艷稱空餘  
齒髮變豈有利欲并所貴涉途寬可以策脩名流俗泥  
下支指日爲所生去日等逝波所生焉足憑况復信祝  
史祈禳不暫寧煩文書妻子奔走勞友朋上古未聞此  
往哲非自輕行之經末久欲止諒不能計惟當斯時置

酒飛罍觥四序各有適百年其奚營今年若四十招我  
來前榮東我雜賓中開口殊可憎不言官必高不言仙  
可成勸汝力飲酒時事如沸鎗

與同年李丹壑編修以事出朝陽門晚宿田家

繁花已盡木葉肥城中城外塵交飛不因出郭了公事  
當與野色終相違芳春三月鍵戶坐日在愁陣遭重圍  
我自久旅成習慣今昨等耳安知非怪君連歲臥江上  
捨舟卽陸誰指揮今朝眼豁向水木翻若所見從來稀  
清溪宛宛帶檉柳村舍歷歷通烟霏故山未敢詫奇絕  
風物似此猶庶幾人情厭常每易動微官竊祿難肯歸  
且買濁醪酌暮景新月正照林間扉

閉齋集

四

雨夜有懷丹壑

臥聞簷瓦添新響坐愛虛窗受遠風不忘對牀前夕約  
夢隨兩腳過街東

題程松臬舍人詩卷四首

四海故人楊伯子

海寧楊  
崇木

春來幾度說君詩城東記否

雞羣裏標格亭亭識項斯

昨日叩門日卓午槐陰入座風披猖尚覺歸來太蕭瑟  
袖中冰雪生清涼

宋唐門戶久難齊煩怪康莊俗自迷要識神明煥然處

非綠野鷺勝家雞

時人口齒競呀咻字順文從解辦不苦厭支離塵滿眼  
期君濯足大江流

觀奕歌

高堂晝開棋局陳隱然左右敵國分主人與客據四角  
宛若勢子何停勻微風動窗日光入簾影欲亂楸枰文  
未知失鹿向誰手但見眼底生紛紛乍如青天斂餘靄  
一南一北行秋雲又如殘日墮西極大星小星耿不昏  
豐隆驅電撒沙落毛仲牧馬雲錦屯蕭蕭魚麗就行陣  
翻翻鳥散隨飛塵觀者坐久失向背目眩舌擣傷心魂

閑齋集

五

良工運斤色不動森然萬枝同一根攢眉思出九天上  
奮袖氣奪千人軍少焉勝負判然決誰與戚戚誰欣欣  
古來兩賢不相厄何況同道猶一身尊讎伺隙有何故  
日斜人散寧復論嗟乎世間強弱終無據空遣旁人笑  
相語

謝王子言前輩餉酒

偏仄曾同巷南北每看屋角卽相思雨添庭際汎瀾處  
風攪窗前竹樹時無復綉鼎邀我共坐愁泥淖出安之  
今宵遣入去年夢一枕簷聲成醉遲

昨夢四首簡大木



咏君篋中句

大木有晴川集詩

昨夢楚江濱兵氣排山起囂聲

捲浪聞漫休河上戍已潰相州軍黃鶴高樓在千重壓陣雲

鼓吹轅門啟叢戈耀日鮮將軍先屈膝部伍敢張拳分圖新從朔元功舊下滇雞鳴瞻馬首慎莫學遷延

控帶稱雄鎮還須濟世才空聞田布死不見寇恂來門柳誰曾識江魚盡值災遙憐暮潮急真箇爲流哀

雨霽羣星出天槍特地高暑恒悲裏甲醉擬賦同袍江漢終朝海鯨鯢漫起濤請纓吾輩事卿莫笑雞刀

夜大雨曉起視庭際花竹有述八韻

閑齋集

六

夜半夢驚雨天明庭浸波幾迴臨牖視何異汎舟過砌  
失開花滿堦餘襯草多長條疑折葦圓葉作翻荷獨有  
幽窗竹依然綠玉柯當風轉孤挺帶濕自婆娑應結蒼  
松伴相期碧澗阿秋霜凋衆卉爭奈此君何

讀司馬相如傳二首

靡麗千秋說子虛人人自以馬相如縱饒賦筆毫釐似  
直是輸他諫獵書

公孫閣外幾人窺狗監推才天子知一自茂陵取書後  
更誰恨不得同時

蟬

蛻化知何故傳聲秋樹端虛隨韶作飾牘有露爲餐噉  
蟀勞相和螿螂遣斲安嚴霜休太逼已怯早來寒

螢火

和雨還穿戶經風忽過牆雖緣草成質不借月爲光解  
識幽人意詩今聊處囊君看落空闊何異大星芒

七夕雨飲松泉舍人分韻得九佳

與汝結交異行路三日不見無好懷寒官多暇還往易  
不以風雨成睽乖更番旣已倦輿僕蹤跡豈免疑朋儕  
論詩相賞由宿分語似驚羨寶嘲諧詞場近來盛稂莠  
雖有條蔓亡根芟楚相衣冠或左右狡黠終是輸優俳

閑齋集

七

我曹岐趨有何故苦向漫漶求模楷河漢今夕事荒怪  
妄者以意窺津涯丈夫要自識真意恥逐俗子由由借  
所憂學齋難樹立山嶽勢就誰能排談深不畏口枯渴  
主人有酒如長淮扶醉出門風滅燭天光照泥星滿街  
入夜  
開霽

杜門

小病杜門殊不惡靜中一倍愛秋清微寒牀下王孫急  
細雨籬根稚子生閒覺詩懷增攪亂貧餘酒債費經營  
新來自笑耽工課半夜披衣看月明

秋熱

西風不作力大火張餘威雷雨呼莫應毒熱來非時七月月向盡午汗已去肌昨夜夢顛倒謂是初炎曦曉窗日潑眼如臨洪鑪窺翻身欲起避衾輦黏膠糲灑掃就屏隱嬌兒啼相隨藏冰日十市怒詈來何遲暑寒代有常奚由失其宜太寬以猛濟遺愛傳良規琴瑟忌專一改絃待工師敢持區區意仰訴皇天慈

節候

今年節候太支離獨有閒人次第知暑似飢鷹戀韝久涼如隱士出山遲昨來一雨醒塵夢陡覺清秋赴夙期日午當窗看竹色微風捲綠入簾帷

閑齋集

八

中秋例相餽遺貧家此事都絕友人頗有以酒見餉者喜而爲詩

昨宵細雨洗餘熱臥聽寒聲汎窗竹今朝晴天作好月坐待清光媚幽獨令節屈指不三日比舍喧喧走僮僕寒家無往亦無來閒看炊烟上牆綠故人相知到嗜好美酒遞致車連載未放狂夫杯入唇已見癡兒歡聒屋豈少貴人相餉遺珍味充口帛盈籠因思天公換歲時贖遣朱門臭新肉中厨佳醞賤於水涓滴如余已霑足質衣更爲買蝸蟬不遣便便負此腹却笑阮公無好懷官酒自供何事哭不學碧鶴裴家郎寂莫荒園自埋鹿

贈錢塘吳舒鳧因懷河中吳天章

吳子意軒豁有似高秋鴻息羽就塵埃鼓翼隨天風矯  
然衆鳥中一奮千羣空却顧望寥闊誰與爲兩雄河上  
中條山遙對蓮花峯峯壑相遮羅青翠幾萬重中有樓  
託人帶蘿衣芙蓉長嘯臨關門濁浪聲相舂與子才匹  
敵姓氏正復同並揚騷雅波交暎冰雪容聞當覓來此  
晉楚中原逢何故先避去不肯交刀弓故山結茅處秋  
色寒濛濛湖如新磨鏡照見松桂叢苟能縱高臥投老  
安耕農不然遠遨遊自等無根蓬作詩貴言志飲酒聊  
快習時世方妬色賢達當固窮彼吳昔顛顛上書不得  
通丈夫能文章豈必爲三公

閔齋集

九

爲舒鳧題吳山草堂

兩峯相憶不相識中著茅亭定可憐那更西湖似西子  
橫陳日日小窗前

送朱悔人歸潛江

霜信風高塵滿衣征人遙與鴈南飛淒涼客向秋深別  
珍重身當亂定歸松竹從添三徑合江山無恙十年違  
翻愁未抵他鄉樂去日親知有是非

孤酌

短燭照孤酌長宵容苦吟窗虛聞雨細人靜覺秋深兒

女迎寒病鄉園久客心無因得料理爭遣不侵尋

卽目

烟外風翻數點鴉板牆欲處夕陽斜空庭客去閉門晚  
零落一堆紅豆花

戲孫子未簡討病瘖學笑

孫郎甚口如虫鳴嘈嘈頗爲流俗憎冬來肺病漸作啞  
歎與雷鼓齊收聲齒牙翁張不達意翻怪賓客皆重聽  
身手雖好欲安試寒天瑟縮閒無管今晨書來語刺刺  
終遜舌本工掀騰假我棋局破岑寂何異臏脚初修兵  
北風激箭射窗紙黑白在手如凝冰短燭前頭置酒盞

閑齋集

十

夜長椽木聞丁丁吾黨耽奕獨馮子凌厲同輩誇最能  
閉門今知勇可習便擬齊晉相代興勸君且止勿自苦  
料理藥具兼茶鑄弛弓囊矢備不用暫依律呂調簫笙  
他日臨敵戰偶勝高歌奏凱喧輦鉦有時意外值強悍  
一叱可使樓煩驚

和大木除夜作

君子敦夙昔纖人艷鮮新荒哉眼底歲欲變風中雲鄰  
舍兒女歡遲明作好春寒家燈火靜夜久杯在脣巷柝  
入耳急妻孥倦相嗔酣眠非不適所戀在逡巡昏眸漸  
不支倚壁強欠伸恐有鄉夢迴夢見平生親馮生發歸

興奮若孤鴻，騫余豈異人情。悲懷難可論。

十四夜對月寄丹壑

是日立春

春風寒近酒杯前，街鼓聲中夜可憐。愁向窗東見明月，故人居在月東邊。

閒

閒憑書卷添眠味，暗刻窗陰覺日長。暖色待將花打撲，春懷須著酒禁當。

感興

二月不見雪積凍已潛消融，爲夜分雨客枕驚蕭騷。曉晴日氣鮮餘寒，不敢驕起看小庭。竹覆砌青寥寥，枯草亦茁芽瑣細，新雛毛託根久泥土。今與陽春遭，稍見雲際鳥飛鳴，何交交萬物各有時，終戴造物勞。

調丹壑二首

張侯邀我入城去，西苑水風終日涼。却笑人間李公子，出門十步似他鄉。每欲嘲渠等，虫蟄新來看爾似。蠶眠除將善病兼，能酒百不如人也可憐。

深秋偶作

兩月未嘗作一詩，漸覺心手非我屬。怳怳蟄虫有時動，忽忽飄風不可逐。臥看邊笥章句枯，坐擁管城鬢毛秃。

亦如戰士久釋戈籟力雖剛氣局促昨見馮生抒憤詞  
兼愛洪子翻新曲破除積習那易能又想彎弓接飛肉  
空齋無人雲壓簷疎籬有聲雨浣菊閉門獨坐追舊亡  
一一壁魚緣敗簾非云疾病期自強乍似炎熇得新沐  
只愁蔓草更須刪莫恨秋光不盈掬

除草

久旱惜庭草秋來隨意繁寧知藉殘雨亦復礙閒門芳  
芷元殊臭寒霜豈有恩殷勤向原野何處不春溫

芟竹

抱節久相於因多自翦除一朝窗影瘦昨夜雨聲疎不

閑齋集

惜衰晚日翻憐移植初新稍當戶好著意九秋餘

三

梅耦長畫幅

只合歸與臥一邱松門蘿徑足清幽誰教老樹旁邊立  
黃葉無風也打頭

出宮詞

禁門際曉開勅放如花女起乍辭宮粧低頭淚如雨所  
悲入宮早不恨出宮遲十年閉末巷妾貌猶昔時當窗  
理鏡奩容華良獨惜君王豈無恩妾自未相識同時良  
家子多在昭陽宮齊紈雖皎潔不如蜀錦紅舊家送我  
時願妾承天眷歸去姊妹行含羞說金釵

飴山詩集卷之二終

閑齋集



館山詩集卷之三

青州趙執信

還山集上 古律雜歌詩六十首

出都

事往渾如夢憂來豈有端  
罷官憐酒失去國覺天寒  
北闕烟中遠西山馬首寬  
十年一揮手今日別長安

平原道中作

當時長羨東方生  
嘲弄侏儒排列卿  
君王猶解賞辨口  
世俗誰能知歲星  
我行厭次道祠墓  
荒烟曉却憶漢廷  
人齊國何草草  
孫弘兒寬田舍翁  
臣才兼之羞與同  
獨

館山詩集

一

尋神藥入東海胡盧大笑天西風

園林卽目

叢竹才蘇三兩竿  
杏花如雪壓春寒  
雄蜂雌蝶披猖甚  
却放王猷冷處看

清明

鄉曲相將作寒食  
弟兄無恙共清明  
雨餘花柳逢人好  
春半溪山信意行  
上國塵埃聊復滌  
中宵魂夢不須驚  
持杯酌向山英道  
莫遣移文斥姓名

鄉黨舊識有乞買田之費於余者率答來意兼寓

愧謝

萬物有氣類風雲從虎龍生無和嶠瘴安得爲三公十  
年索官米鼯鼠腹取充一朝歸故棲號寒如秋蟲書篋  
雖贏餘出之難療窮豈免妻孥懟幸爲族黨容春事忽  
復動比戶卽田功何因買寸土嘗試明耕農縣吏昨日  
來計畝分南東剔抉骨肉疎羅列丁男空驕陽况煽虐  
展轉愁老翁多田反爲累藉口開我曾故人不怕事覆  
轍等前蹤問道意良篤何期及瞽聾發書覺背汗自媿  
非才雄宦達贍鄉鄰轉念成熱中時方臨山泉新雨聽  
淙淙仰面視天宇贈君前山峯

園亭雜詩八首

還山集上

二

開門流泉側引徑修竹陰虛亭動遠色微風生古音更  
日得異賞寥寥朝市心

久旱萬彙槁一雨四山活軒楹覺曉潤池沼漾新闊覽  
時會天遊惟我知魚樂

鳴泉類相和游魚出有羣觴飛竹林雨坐接山烟曛何  
必侶嵇阮藹然弟與昆

雨脚欲入戶山雲方挂簷落花爛如織行屐何辭霑無  
路溪西去夜來秋漲添

晴日出山脊蕩漾高城煙幽人倚林表目力窮蒼然不  
知晨風翼飄飛何當還

衆芳委逝波幽事屬籬菊霜時挺峻潔歲晏傷孤獨昨  
行山巖際乃識無用木

新月上歸雲纖纖動清影林深多得烟地寂易爲冷豈  
必聞寺鐘我意默已領

日日城東門一出還一入往來頗知煩動靜聊取適終  
愧山人猶有城中跡

觀鬪促織

金商動傷殺喘爽氣一王俄然角翅完自喜牙鬚壯草  
間分蟻穴水次雜蛙唱豈有勢必爭羣以力相尙幽人  
洞物情羅取就盆盎無聲出指揮快意見跳浪初合猶  
兩疑再鼓乃齊抗標挾猛士心奮迅良馬狀大鳴類濠  
呼小利增跌宕遞進恍尋讎獨勝欣得將旁觀識強弱  
萬事有得喪一笑天地間孤懷足閒暢

贈山居者

長如野鹿依巖宿偶與流泉出谷行從被遊人間霜樹  
都來知色不知名

遣懷

過眼烟雲忽若馳投閒林壑雅相宜飄風蹤跡青蠅管  
素月心情白墜知學道還應輸意怠無權爭擬問窮奇  
近來解識逍遙趣溟海蓬蒿信所期

訓大木自都下見懷

滿眼不可耐有懷何足云夜來京國夢祇爲大馮君  
題大木所寄晴川集後

前年送君往武昌贈君束錦充詩囊男兒手持三寸管  
取快正在江山長鸚鵡洲邊久留滯身騎黃鶴追鳳凰  
歸來爛熳出妙句頗疑曾已收三湘我時縱觀屢擊節  
頓從塵垢生清涼矧今削跡處窮谷遠寄無異瓊琳琅  
楚騷風流日凌替吾道欲付多岐羊巨手有力惜不用  
鸞魚路塞誰開張漁洋詩翁老於事一一狎視海鳥翔  
賞拔題品什六七時放瓦釜參官商蘇門上客雖旅進  
未許與子爲秦黃茲集評點信精審莫遣流輩輕料量  
傳聲吠影兩無當口似昭曠心蒼茫我昔有志峻格律  
失足羅網緣謗傷人謂意氣定衰減詎知膽力猶堅剛  
會與五獄果夙約獨乘莽眇遊五方他年自攜三萬首  
要向君論雁抗行

訓王阮亭先生見寄三首

生長山水窟新歸似乍經書來羨巖瀑夢去畏山靈醉  
遣池魚見吟教谷鳥聽追游失仙侶悵望向晨星  
不爲耽閒寂終朝坐擁書敢銜湘水怨祇傍漆園居噫  
氣飄風外忘形大癩餘猶多奇字在載酒欲誰如

何事中朝舊他年願卜鄰乘時朱虎讓失意綺黃親斜  
日依臺柏驚風蕩塞塵請公樹奇績容我樂芳春

感懷

朔雲南雁思騰騰薄暮泥闌百感增豈有聲名折官職  
却將山水換賓朋壺觴佳興從看減海嶽前期未可憑  
寂莫吟情相伴在自持詩卷映寒燈

對雪寄準提庵融上人

羨爾安禪處寥寥遠拓氛鐘聲出山雪精舍在松雲橋  
迴風常合門開水自分定中應有喻遲我共知聞

元日試筆

還山集上

五

新年又見匆匆赴昨日廻看冉冉遙北陸收寒還戀別  
東風應候不須招杯槃取次隨居室簫鼓山城破寂寥  
却被妻孥苦相泥時時憶散紫宸朝

贈徹禪師

昔在大都遊每過前朝寺習聞鐘梵音似會西來意夙  
因應有在往往形夢寐若欲歸參求蓄懷久難遂近獲  
出樊籠忽若醒宿醉已將心向空彌覺身爲累假憂息  
諸緣藉病謝萬事憑誰作導師爲語第一義眼中數縑  
流潦例難位置高者盛威容出入陳軒騎餘者競壘斷  
繩營灼財利文章竊皮毛貴游倚聲氣鄙夫多附和市

兒有此秉咄咄清淨門到此土委地師獨山中居不與  
彼同器躬耕孝事母儒者或負媿我今一相見顏狀覺  
頓異語言行住外宗肯復何寄俯首欲借問顧慙非上  
智塵根除未盡如盲遽求視惟當安鈍拙且免逐臭味  
去師禪棲近亂山接葱翠藜杖與芒屨招尋亦良易請  
結物外交人間共遊戲

園亭寓目

經月不出郭池臺今覓過岸融看水減花晚逼寒多烟  
意濃歸柳山容綠上蛾便應隨日至春事莫蹉跎

社日

還山集上

六

濃花有信煩風伯微雨何緣乞社公莫上高樓看柳色  
春愁多在暮山中

遣懷三首

所思在何許乃在扶桑東褰裳海騰沸遊目天空濛手  
引三足鳥一照天下紅倦敲蓬萊作高枕企脚直上方  
壺員嶠之巔峯夢迴忽覩水清淺坐恐飛土揚驚風九  
州猶變滅何況羣沙虫跼蹐復跼蹐不如掉頭拊髀隨  
鴻蒙

所思在何許三江連五湖遠追鳴夷步近慕烟波徒當  
時汎舟浮家處至今惟有雁鶩鳴相呼沉沉千尋淵下

有如山魚春風艷桃李吹落不須臾浮雲蔽天白日暗  
逝川長此東南輪跼踖復踖踖不如刺船徑去偕妻孥  
所思在何許乃在桃花源清時欲焉避但羨山中田穰  
桃成障闕山口漁人何自來梯攀靈境隨閉塞恥與濁  
世通人烟至今闕千載想見桑麻雞犬還依然藉令無  
地列阡陌居人仍須絕粒求神仙丈夫短氣向家室宇  
宙雖大如籠樊踖踖復踖踖愁對屋外山花繁

園林題感

柳眼青青媚烟景竹風謾謾帶寒聲主人有意從憐取  
一種春來各自情

還山集上

春寒

乍看曉色漾簾鈎不覺輕寒著布裘風力峭於秋扇發  
雨絲細若夏蠶抽分從濁酒尋前醉恥向東君訴自愁  
有約山椒探花信春情爭被夢勾留

三月十五日大雪

似與梨花競曉開春工有意縞樓臺餘寒好爲邀殘夢  
遮莫天門賀瑞廻

西城別墅十三詠爲阮亭侍郎作

石帆亭

孤亭擁石帆百雉列高岸達人休天鈞舟陸豈殊觀坐

鼓滄浪音髣髴中流半

樵唱軒

日暮敞軒窗野色遠浮動樵歌發何處偶被林風送和我洛生吟陋彼輿人誦

半偈閣

半偈本無言云何作半想譬如調一絃堂堂各應響君聽手指音故出絲桐上

大椿軒

莊生夸大椿意似悲朝菌春秋八千歲屈指終有眇何如靜者心一息古今盡

還山集上

八

雙松書塢

手把一卷書日夕雙松陰風過幽響激月出蒼翠深莫羨芳樹姿保君遲暮心

小華子岡

高岡陟無時拄杖曳石齒遙山沒飛鳥秋色復如此不識追陪者誰爲裴處士

小善卷

洞古石氣幽林巒護蕭緘無事此焚香坐愛香烟碧自悟夙生因海山見靈跡

春草池



岸草衣裙色萋萋媚烟景池水古鏡明照盡青春影懸  
知佳句成不待清夢醒

三峯

海客炫靈奇口出三神山乘風去萬里終古何時還且  
移太華形置我庭戶間

嘯臺

長嘯臨高臺川谷遠相應林靄忽自開風籟久未定奚  
假鸞鳳音所期嵇阮聽

石丈

大塊自有形真人託不朽坐任苔侵衣臥覺柳生肘年

還山集上

九

年好面顏甚媿丈人厚

竹徑

修竹藹貞萋四序一蕭索野客携琴來仄徑穿林薄不  
愁步履迷前有導行鶴

綠蘿書屋

數椽覆綠蘿四壁繪霜雨中有披髮翁雅調抗千古余  
亦絕俗人和歌出商羽

紀蝗

夏至之明日日中飛蝗被天來向東前驅瞥若鳥碎羽  
後陣紛若米變亟初疑黃塵迷遠樹漸覺白日昏陰風

散如頽波趨下濕聚如雲氣生奇峯急雨千重動莽蒼  
鐵騎萬里行倥傯是時山郭足禾黍新雨一洗爭芄芄  
野老倉皇田婦泣斯須立見隴畝空迴翔欲下屢不果  
却投曠僻依丰茸小留旋去跡如掃恍惚神物相遮籠  
里社釀金謀報賽爲問此舉將誰功盛朝澤大豈偏及  
長吏政異今難逢吾土之外亦稼穡枵腹知向何方充  
天災無時垂鑒戒地靈有力持荒凶史臣失職仰廊廟  
載筆義引春秋蝨

寄劉波山編修

修篁密樹足涼颼池外朱炎坐不知忽憶槐陰遮巷北  
從君索喫冷淘時

還山集上

十

追尋噩夢覺猶憎十載衣塵滌未能學築滄浪亭子好  
蒼茫不共酒人登

覽仕籍戲成

青山風景久來真白紙榮華換後新無復堪容位置處  
漸多不識姓名人易驚畢弋憐高鳥終託江河羨細鱗  
祇似丹青曹陸手眼前塗抹一廻春

寄新詩與門人謝文洽編修繫以絕句

狂聲寥落在人間館閣文章已盡刪好爲流傳閒適句

莫教謠詠到溪山

後紀蝗

蝗去還復來飛飛十日不得息青天無風亦簸揚赤地  
有土皆涌溢山間曉夕相招呼白髮黃頭綴行出拚將  
婦子死前身奪取或蝥口中食長竿縛衣五色新蝗落  
如山不畏人但覺齒牙挾急雨空悲禾稼失連雲東家  
田多西家少打撲不如東家早豈知災至兩難憑高原  
並盡油油草傳聞北飛將入海形勢蒼黃那可待又聞  
吳楚沴氣同常恐東道由茲通蝗乎蝗乎且莫殫我穀  
告爾善地棲爾族一爲催科大吏堂一爲長安貴人屋

閏月七夕

還山集上

十一

晚雲不散垂垂雨烏鵲爭飛一一迴未必天孫思再渡  
世間兒女浪相猜

望雲門山

輕烟漾午晴十里見山月稍觀飛鳥度始識一峯闕雲  
生自吞吐天迴忽穿穴秋風從中吹萬樹離披列空象  
蘊真境仙跡傳幽絕恨身無羽毛從茲棄塵繼

感事二首

碧山勝賞已全非誰向西州淚滿衣解識貴官能續命  
可憐疏傅枉知機

戟矜底事各紛紛萬事秋風捲亂雲誰信武安作黃土

人間無恙灌將軍

墜馬二首

騎馬城西犯曉寒生烟集霰共漫漫本圖獨往尋詩好  
豈望諸公攜酒看意外轡銜全失利眼中天地竟難安  
由來翻覆須臾事涸轍無風亦起瀾

憶與并州年少兒雪深飛鞚太行時雄豪往事猶堪繪  
樵悴今來不自支學士瓦全真覺幸三公臂折轉憂遲  
且應穩臥兼旬病山鬼叢中閉戶宜

感事二首

蜀錦元從女手成却教江水擅光明天家祇識隨年貢

還山集上

十一

腸斷當時機杼聲

莫恨蛾眉解誤身追思舊寵豈無因乞哀有路翻愁絕  
多少吞聲澤畔人

觀海集序

孔門七十子曾皙獨號爲狂考其鼓瑟師庭志存風詠  
意其爲詩酒中人也李太白以詩名唐代嗜酒放曠蘇  
子瞻目之爲狂余每疑狂者近於麤疎而尼山有與黠  
之言思歸有斐然之歎太白能識郭汾陽於縲絏中不  
可謂非奇士然則人固不易狂也益都趙秋谷早通仕  
籍才名振天下然好縱酒喜諧謔士以詩文贄者合則  
投分訂交不合則畧視數行揮手謝去是以大得狂名  
於長安余往從王紫詮使君見其詩循循然皆有法度  
非狂也比者踰嶺南來相見於五羊接其言議深心遠

飴山詩集序

一

識介然有不可拔之操非狂也然後知古今所目爲狂  
者特以其異於時而狂之也問其近作示以觀海一集  
氣則包括混茫心則細若毫髮片言隻字不苟下筆其  
要歸於自寫性真力去浮靡如是士亦何妨於狂哉夫  
海之爲物也際六合而不見其有餘浮大地而不見其  
不足形之至鉅者也析而分之有間必通無微不入質  
之至細者也合之無斷續之痕離之無割裂之跡性之  
至和者也然當其乘風而湧則浪如山嶽有激而奔則  
勢摧城郭是謂之狂瀾及其淵靜波澄則其清可以鑒  
鬚眉潤可以生萬物夫非至鉅不能狂非至細不能鑒

非至和不能生海之觀止是矣秋谷觀於海而有得焉  
則其狂益未有極也獨詩也乎哉羅浮陳恭尹序

館山詩集序

節山詩集卷之四

青州趙執信

觀海集上 古律詩二十首

東嚮言懷

秋草綴白露凄迷曉色寒怪余竟何事結束辭家山東  
去入溟渤天水相漫漫豈有古仙人引手許延緣男兒  
負奇志夙欲吞巨川轉側在世網焉能死草間長風倘  
可駕一土蓬萊顛安期何用見但取開心顏

臨淄詠古六首

淳于墓

節山詩集

一

昂藏贅壻走王門斗石區區聊與論一醉欲傾天下士  
何人送客獨留髡

溜水

寒沙小渡遠逶迤溜水東流無盡期莫怪田巴清自鏡  
要將面目示齊兒

三士墓

石父曾令脫網羅留將三士竟如何孟嘗坐食三寸客  
拚盡園桃殺幾多

愚公谷

牛馬何必一任呼觀臣狀貌故應愚寄言谷口諸年少

好爲伊人繫白駒

棄繻生墓

却被關門識此生  
尺牘談笑換長纓  
祇憐賈誼空流涕  
贏得長沙服賦成

梧臺

城南萬木入天風  
雨送秋聲過故宮  
總是於今蕭瑟地  
當年那更樹梧桐

望溫泉

日照牛山石上泉  
琉璃浮動出寒烟  
驚心沙路晶明外  
潑眼風林搖落前  
沆瀣試嘗應不減  
清冷可枕豈虛傳

觀海集上

二

揚鞭却與飛流語  
比到東溟孰後先

乘車渡巨洋水

乘車如乘船  
却顧失船尾  
倦馬一聲嘶  
双輪碾寒水  
帷裳動郭索  
容蓋入渺瀰  
僕夫揮長鞭  
豈有楫可理  
中流縱遑迴  
彌望出涯涘  
絕勝繫瓠樽  
拍浮不自止  
濠魚樂獨知  
海鼈笑無已  
借使求三山  
安能泛萬里

月

海月自東出  
照人如有心  
猶懸九秋影  
頓失昨宵陰  
疊嶂依雲遠  
空烟向水深  
無因乞靈藥  
桂樹漫森森

昌樂道中



輓轆輕車不動埃營陵舊社曉徘徊青林白露微茫下  
丹水岸黃花瑣碎開城日初懸遙海色野風偏向曉秋  
哀行人莫訝宵衣急要踏鷹揚賜履來

昌樂過閩諭德前輩話舊

菊籬茅屋正蕭然往事隨君到眼前荷鍾真堪喚牛走  
拂衣同是值蛇年青門夜月三更夢丹水秋風十畝田  
莫倚清樽說生計神洲東去海浮天

雨霽早行

寒雨淨天色曉風收暗塵亂霞明綺皺初日上金輪草  
草鳴雞市匆匆渡水人涼秋縱東走海氣正鮮新

觀海集上

濰水詠古

昌邑名芙蓉城

芙蓉城外秋蕭灑古渡寒波渺東下舟人猶說淮陰功  
墟里空存柏欄社昨過瀾水即巨洋按圖經大耿差堪淩  
鄧賈如何人傑冠蕭張不得雲臺姓名寫列侯未保及  
身榮劉氏齊王許誰假白水真人赤帝孫當代應羞漢  
恩寡擬將濰水上游沙燒作未央前殿瓦

垂至萊州興盡却返

海天遺興竟如何返轡真成此浪過萬里沙頭風色迴  
三神山上夕陽多餐霞食棗元無分彈鋏思魚漫作歌  
歸去清真堪自守不將身事問滄波

再宿膠水客舍

去海三十里北望空冥冥  
斥田秋草自古竈鹽烟青信  
宿非懷土寒霜又滿庭  
夜潮如有意遣我醉中聽

寒亭雨夜對酒遙寄諸弟

寒亭兩度逢寒雨孤館秋燈照酒卮  
海外方蓬遲後約山中萸菊誤前期  
仙人攀樹徒欺我羣季開樽更憶誰  
爲報西風莫吹斷預教歸夢過清淄

歸途卽目

霜樹荒村又午雞  
去來應自笑栖栖  
秋風吹水偏流北  
自巨洋以東海日催人却向西  
遠目欲迷山影轉  
雙輪水多北向

觀海集二

四

會壓岸花低相逢若問何聞見  
袖裏詩篇只自攜

戲題

冰雪寒多空自抱青冥  
路絕與誰攀  
早知卿輩真難記  
何意相逢飯穎山

却寄途中諸水

幾歸秋水滌風埃  
不學東流去  
不廻海若形容渾未識  
寄言衆壑莫相猜

節山詩集卷之五

青州趙執信

還山集下 古律雜歌詩三十九首

壬申元日

元日首四序曜靈明萬方萬方起同時相攜拜天光海  
風驅陰翳絳氣連西荒駿鳥始飛出翩然棲扶桑崑崙  
橫目民毫髮得所將豈知造化功但謂開闢常今茲值  
沉冥理數難推詳星辰夜斂避雲霧朝披猖狂飈挾飛  
塵萬彙皆摧藏山川與城郭一氣迷烟霜午景忽躍然  
回光不滿牆盪摩見蒼黑倏燦成矜傷蠕蠕潛莫指羲  
和走且僵坐令陽德微下土將何望鄉黨紛童叟相視  
各倉皇人情詫未覩涕語如蝸蟻余時力疾起空庭獨  
相羊頗聞儒者言薄蝕非災祥兩曜有交會奚事分柔  
剛四海方清寧三公理陰陽大廷用鼓幣下士爲秕糠  
年歲不我遺青春獲舊亡深居聊取適戶外天蒼茫

棄婦詞

兩姓無端合亦復無故分昔時鴛鴦翼今日東西雲浮  
雲本隨風妾心自不同君心劇無定見棄如枯蓬出門  
拜姑嫜十步一迴顧心傷双履跡一一來時路留妾明  
月珠新人爲耳璫不恨奪妍寵猶得依君傍寶鏡守故

奩上有君家塵持將不忍拂舊意託相親此生一以畢  
中懷何日宣願得金光草與君駐長年

春日園亭有懷

飛絮滿天地春風餘幾時孤亭臨暮景久坐忽相思野  
水浮烟遠空山落照遲佳人不可見浩蕩憶前期

三徑

柳絮晴方落山花雨更香苔痕双木屐池影一繩牀待  
月觀魚靜因風聽鳥長春來陶處士三徑未全荒

閒園

閒園坐長日水木共蕭森疎竹風前合清池雨後深遠

還山集下

二

山無定色幽鳥自多音霞外餘孤賞冷然不可尋

伏日

谷口羣峯障火雲水風送日易斜曛拔刀割肉非吾事  
自折荷花遺細君

暮大雨

晚風吹不極飛雨浩無邊日月皆歸海蛟龍亂上天欄  
聲通竹樹雲影汎山川慘澹爲霖意安居獨惘然

烈風行

大塊噫氣有何不平陰陽合沓戰消長一夜吹盡萬古  
聲洪鑪鼓鞀火不息聲中艷忽髣髴來諸靈屏翳豐隆

藉餘勢排星月鞭雷震海水隨風向天立空際噴薄魚  
龍腥五行忽齊一八極相崩騰身非至人出利害安能  
坦不驚細聞屋角落坐惜山巒傾不知造物意但恐字  
宙從此終冥冥閭闔九重門詖蕩還清寧欲乘雲車一  
上訴無路哀歌誰爲聽

野興

蕃花開處朦朧遠春雪輕埋草半青豆莢肥時紛歷亂  
錯疑蒺藜葉總蠶形有年比屋迎田祖無事從余說孝經  
傳語霜風須著意安排醉眼眺林垌

早行學劍南體

還山集下

三

啟明煜煜沉東方欲陰欲晴天正涼日脚挿地若飛火  
雨氣過山疑始霜雞驚人語出村樹馬戀夜飼投秋塲  
市門一老笑相問忽入城府君安忙

臨淄道中懷古

秋騎羸馬營邱道千里齊風入舊聞雞狗有雄還自許  
淄澠無味底須分原頭寒意離離草海上朝光疊疊雲  
幾度爽鳩增太息牛山長傍景公墳

過郡城故座主馮文毅公宅

難憑楚些遣離憂搖落非關怨素秋夢斷雲烟還北關  
醉餘城郭忽西州馬嘶荒草無鞭策燕過雕梁自去留

回首春明萬楊柳幾多飛葉赴東流

出郭

朝來微雨過出郭覽秋容烟隱初生日雲添不住峯年  
知古原草心寂寺樓鐘濯足巨洋水海山尋舊蹤

微雨道中書所見

西風吹霧白難收沙引清溜入地流綠樹連天村暗雨  
牛山何處見全牛

牛山西麓溫泉

崔嵬萬古邱石腹出清泚不知華清池水色何如此我  
來飲瓊液臨去洗塵耳濁葦乃名高於茲識所止

還山集下

四

寄唐豹巖先輩村居

欲叩城西白板扉逢時觸事與心違亂山約馬匆匆過  
落日將雲片片飛野水半篙誰喚渡敝廬十步且言歸  
空餘借鶴樓中月分取秋光上素衣

寄洪昉思

垂堂高坐本難安身外鴻毛擲一官獨抱焦桐俯流水  
哀音還爲董庭蘭

自郡歸多病索居兩月未嘗著筆雪後將赴新城

遽成長句

病來詩思不勝秋紅葉黃花索莫休出郭卽知山意好

閉門空向北風愁所嗟龍性常牽俗豈爲瑤車慕遠遊  
會得高人佳興否雪中驢子灞橋頭

春日郡城無酒言懷

城中三日風野客迷朝昏誤疑酒所致豈知未霑膏愁  
疾強扶策况復拋青春遣尋諸從事往往皆賢人凌陰  
戀權勢太皞幾退奔冰花耀枝柯桃李不敢噴寒威入  
衣袂鼻氣增酸辛安得一瓢佳生我四體溫徹廬有羸  
藏風味清而醇餅罍二百里失計單車輪戶庭能免咎  
嗜慾恐汨真太息稷下士古言誰與論

醉歌贈同年張薛杜三廣文

還山集下

五

秋谷先生怕孤悶青衫席帽來州郡春風三日柳滿天  
自擁犂騮鞭不進廣城如夢身自藏故友如烟誰可問

三公何意相隨來各將奇兵赴愁陣薛張幾日別海鷗

皆海  
上人

風格雖寒故清峻杜生與我齊飛揚酒氣猶能護

青鬢廿年往事猶沉浮欲指雲門比離恨卽今大府盛

文儒  
在郡試士

學使者方憶昔吾儕嚴鞮鞞九原墳草又清明同年

五十三人死  
者十餘矣

生得相逢今者僅冷官正喜少拘牽逋客

還矜出塵坩解衣徑就市壚沽閉戶遙同竹溪隱不辭  
連醉破昏朝屋角花開雷雨迅

寒食

寒食寒猶甚春光底處賒風聲勒楊柳雪意逗桃花城  
遠山烟澹天低麥隴斜酒邊倦遊客十日覺離家

清明登雲門山

雲門山勢春雲橫廻岡簇起如簫笙中間石氣忽決圻  
古鏡照耀懸窗櫺下臨齊城月華滿桂樹掩映江山形  
凭闌駐馬每望見恐是閭闔無由登童年結願墮世網  
歸來始得尋青冥郭門南畔踏芳草天氣正喜清而明  
仄徑延緣訝破碎顛厓近逼增崢嶸羣松離立類闔者  
闐然欲與人爭行山風四吹變煙霧却疑鸞鶴續紛迎  
空潭古洞闕幽境待我拄杖傳鏗訇門中掉臂忽自笑

還山集下

六

虎豹不怒天關寧簷牙錯落殿交角勝地往往棲神靈  
王母蛾眉颯霜雪衆仙雜珮璆鏘鳴弇州山人好聲勢  
殘碣賸遣僮荒驚高亭削壁覽題記千年吾愛曾空青  
悠然會意誰與語溪桃澗柳空含情銜杯枕石縱獨臥  
遊人但怪顏何頽連峯西去浮落日歸心遠目相牽縈  
城闌廻首動暝色大星一點留光晶通天匙鑰倘可乞  
我欲翻飛朝太清  
山中石刻文字甚多非浮卽但惟曾  
子宣率僚屬及六子遊山題名書法  
雅逸如新似空青居士紵筆紵子宣第二子也東  
峯有留弇亭藏弇州山人王世貞詩碣亦不佳

訪友村居

麥與柳深淺柴門相映開春風無間處野客有時來語



久雲景變主人歡酒杯醉餘應自去微雨莫相催

斥鷃笑鵬

鵬搏九萬里本意在天池斥鷃不相識人間空爾爲蓬蒿  
長有據蜩鷲共無知平野羣飛遠荒叢決起遲等閒  
翻見笑狂瞽亦多詞燭火光猶照青雲望易危妄投和  
璧賤失勢太山卑所以東方鳳時清未肯儀

黔驢踉蹌

短衛怯黃塵殊方見忽新先聲馳霹靂遙影動麒麟  
猛虎行相避空山意轉親狎來翻易怒踉蹌處竟難馴  
作力超騰疾乘時跌宕頻雄威有聊且失利恐遂巡  
莫倚皮毛勢常將轡勒身殷勤灞橋畔風雪事詩人

還山集下

七

不過怡園二首

城日山烟鎖寂寥石蘭苔徑望迢迢遊人自上清音閣  
流水還過後樂橋

堂榭虛閒碧沼清長天無主自陰晴最憐荷葉兼蕉葉  
送盡風聲復雨聲

因園雜興四首

雨過空山草木香軒窗綠重午生涼流鶯聲滑幽眠熟  
但道人間白日長

臺上松風吹野烟峩眉新黛遠相連不須更翦青梧葉

已見山椒六六泉

泉出石壁下壁有前人題名稱六六子余因取以名之

清池一曲浸迴廊斜日朱魚爛有光負手巡簷喚魚晚  
野風時送棗花香

林巒佳處日平西竹柏無烟咫尺迷山月漸高人影寂  
溪南還有鶉鳩啼

### 苦雨

濕雲無賴壓荒烟時遣轟雷入醉眠黯黯山城惟積水  
沉沉夏日更如年驕龍逆作窮秋氣赤帝空持大火權  
莫問郊原騎馬路碧苔青草總堪憐

### 題文姬觀獵圖

還山集下

八

天山霜草白于雪金勒明駝行復歇賢王前行屢停鞭  
顧笑欲得車中憐車中美人色頰玉漢日邊風摧鬢綠  
旃裘乳酪鎮相親寒束芳心羞不矚健兒身手如犬鷹  
爭倚彫弓馳射生忽聞鳴鏑雲間響何似焦桐絃上聲  
題郭令退回紇圖

汾陽功業秋天日一木峩峩造唐室古來何代無魚程  
當時猶奪汾陽兵功臣僕固爲戎首閭主驕奄齊束手  
軍中忽閃令公旗回鶻十萬如伏雌連營奔散晨星滅  
戰馬不驚笳吹咽入關空破雁門烟出塞惟將漢家月  
長安一日啟九門手持畿甸奉至尊辟雍將將高座蠹

諸生聽說覆公餽

薄薄酒

薄薄酒勝茶湯不信試酌與君嘗雲陰月黑旅夜長孤  
燈照夢隔故鄉輕寒被體如雪霜此時細引不成醉栩  
栩自覺春風香擬陪瑤池宴高冠揖穆皇玉女八九人  
紫霞勸天漿不然沉香亭戲草清平章玉手玻璃盃葡  
萄豔晶光人生待此始痛飲便應長跼辭杜康借使昔  
遊曾快意夢之帝所安可常

悲驪馬

故人送我國西門贈我驪駒出瀚海北風吹鬣入寒雲

還山集下

九

千里凝水渺相待杯中醪醎相與傾袖底珊瑚不煩買  
騰身揮手疾於飛好爵良朋兩遺躡家居本在岱山陰  
一日霜蹄碎硯磊春來花發萬峯幽玉勒黃塵姿瀟灑  
去秋縱轡訪神州擬躡方蓬刷渤澥誰知中道忽然迷  
紫燕啾啾失鮮彩丈夫壯志久摧頽分學庚桑老畏壘  
獨憐我馬氣難降死骨甘心擲燕隗未令峻坂服鹽車  
忍見敝帷埋爽塏酒酣自擊唾壺殘白日迴光天色改

聽張翁搥鼓聊短歌

春風吹花花不開羯鼓落手聲如雷丈人脫帽散霜雪  
自倚摻撻送明月酒酣似欲鳴不平奮臂直與金石爭

漁陽壯夫鬚上指千古雄心曲中死鸚鵡西飛江漢空  
人間此技久難逢爲君起舞花影中使我三日猶耳聾  
喜門人張浴日自山右來省却贈其還

林扉掩亂山落日萬重翠麥黃桑甚熟黃鳥猶不至子

從何處來疑是天上墜入門向我拜執手各駭視十年

兩相見心跡託宵寐豈意灤水魚忽爲隴水騎

去年曾由灤上

寄書子家太行深我昔停征轡青松拔雲雪黃河綴天地

極知登覽優敢謂經行易相尋無險難子真饒古意藏  
酒當盡傾欲去更同醉持我遠遊心千里爲傳致

寄博興杜廣文

還山集下

十

山窗枕前水北落錦秋湖湖上故人遠山中清興孤何  
時歌短棹載月入菰蒲極目相思處遙天秋雁呼

館山詩集卷之六

青州趙執信

觀海集下

古律雜歌詩六十二首

與馮信州躬暨夜語感舊

空村萬木號寒雨坐來歇秋燈照病顏各已生華髮庭  
軒颯以清壺樽偶然設豈知故鄉親有似天涯客十年  
異出處相望若秦越心依玉山雲夢斷金門月欣逢水  
聚萍惜別風振葉人生離合情且與盡今夕鵲驚三匝  
飛鵬去六月息何處與子期神州有銀闕

馮文毅公別業古柏

館山詩集

公今游戲仙人鄉手折若木攀扶桑却揮龍騎返故里  
碧鬣蒼鱗欲飛起化爲老樹當庭蹲排突雲窟盤山根  
要將直幹留天地豈爲清陰覆子孫我來俯仰三歎息  
何必新甫之顛錦官側吁嗟乎門前幾日不霜風君看  
萬柳何顏色

題信州所畜白鸚鵡

自愛晴窗理雪衣霜風還爲下簾帷情知舌巧主孫喜  
不向金丸落處飛

題揆山圖卷

深山窮壑妖所都帝遣丁甲行天誅飛廉屏翳豐隆俱

鬼獐神怒爭前驅戈矛霜耀森旌旗彼主者誰提鹿盧  
金甲錯落鬚眉粗前伏帖息爲於菟何不乘之趨亦趨  
却跨兩鬼如愁胡雜還萬衆飄風徂蟻視蛇虺鼠熊羆  
割胷碎首不須臾立使幽險成夷塗窈窕巖洞中紆徐  
猿猱狐狸相與娛炫服麗質人無殊新妝盈盈施粉朱  
狙公醉倒笑語扶衰冠墮地猶狂呼大罰降矣何其愚  
死且不悔可歎吁巨蟒修鱗千丈軀舉頭倏忽排雲衢  
掉尾已斷將焉遁黑螭拳縮甘就拘潛飛無計空牙鬚  
俛視水溼羞蝦魚禹鼎象物良非誣烈山焚林勞朕虞  
未抵神力工掃除閭闔巍巍臨太虛清問下逮知民瘼

觀海集下

二

山川永真人安居麒麟鳳凰豈竟無問君胡然爲此圖  
途中雜感二首

龍腹龍頭誰是非名高容易與心違千秋皂帽比肩者  
只有仙人丁令威

上天入海事虛無縱飲東方計未迂借問金門名業在  
都將分付收豬奴

野行訪王文學不遇

秋田泥活活野路半分明露下麥初茁烟中人自耕溪  
沙夜牛跡村舍午雞聲悵悵林扉寂幽人不出迎

不得遊九仙琅邪諸勝留別王汝敬汝謹兄弟

結願若不遂，吾生難自任。故人滿目前，相對惟悲吟。天  
寒日月逼，海近雲霞深。驅馬忽歸去，清淮漸我襟。濰亦名淮  
雲中九仙人，揮手笑不禁。豈意朝日山，障此一寸心。秋  
風浩相送，却顧烟在林。馬耳幸無恙，盧敖期重尋。

過鄭公鄉感懷

康成去已久，秔稻荒書堂。書帶在何許，不如秋草長。此  
間頗豐饒，萬疋傳魚梁。人言管公都，當羨鄭公鄉。二公  
相視笑，吾意故難量。君看鴻鵠舉，雲海恣翱翔。

旅宿見王子言侍郎壁間題句愴然感懷成二絕

句

觀海集下

三

於今海嶠秋風候，還似天門暮雨時。忽憶當筵索狂飲，  
何如敗壁讀遺詩。

廣陵弦絕竹林愁，阮籍迴車哭未休。千載窮途數行淚，  
無人解道爲同遊。

平度州道中望東北諸山

秋風吹倦客，縹緲凌紫霞。赤松仙人要我去，爲駕白鹿  
青龍車。羽輪飄飛不自制，始計已失秦琅邪。大勞小勞  
遠相待，回馭又復成。參差明霞碧落杳，夢寐玉女有爪  
羞搔爬。北行度膠水，惟見塵與沙。晴嵐百里豁，心目高  
望一點青於鴉。衆山肩隨出戢戢，木末爭槎枒。天柱孤

標倚蕭爽下笑兩鬢曾始髮東萊岱華列首室不敢加  
譬人名旣成無事相矜誇大澤東來獨雄傑森然列仗  
排高牙雲峯飛瀑落千尺烟光蜃氣無由遮臺殿嵯峨  
布空曲浮金爐碧生裕衍我今矯首意惆恍况於抗策  
窮幽遐人生能幾何引領白日斜海山有約易錯選此  
中便可終來家

藥石水

大澤亘萬壑雪瀑生金泉飛流不東注透迤林薄間海  
中有靈藥帝力不可干神人故相靳地氣鬱欲宣歲糝  
被幽谷馥郁滋長川微風引香遠皎日臨波寒公沙飲

觀海集下

四

白鶴此事昔所傳突兀青山臺秀色明霜天我欲褰裳  
去服餌遂忘還且復進一掬塵襟倘可捐

金泉山名  
白鶴泉名

萊州詠古

天光盡處指神州碧海丹霞萬里秋千古雄心百年恨

三山亭北是沙邱

三山亭漢武所築海岸有沙  
邱城俗亦指爲始皇崩處

山行求道士谷及長生披雲諸洞處

在萊  
州東

曉日出游如新沐光射東方山更簇白沙已沒祖龍城  
青嶂猶藏道士谷我來含笑凌噴旣惟見翠樾蒼松寒  
山烟十里浮空碧知是披雲人煉丹

將赴萊陽道中作

始九二水亦  
名大沽小沽



松雲沙水際微徑引崎嶇天入東南海山圍大小沾人  
煙連島嶼風日近茱萸錯莫王猷興窮秋信所圖

萊陽雨夜對酒贈同年張伯積兄弟

高城吹角引嚴霜良夜開樽共燭光傍海魚龍多出沒  
方秋雷雨更蒼涼年華荏苒看籬菊身事蕭條寄醉鄉  
家在蓬山雲臥穩故人且莫歎滄桑

偶題

服食何心覓大還勞勞但取換閒閒要知伐木牽蘿處  
不向芝山向藿山

二山俱在萊陽

重九亭子山登高

觀海集下

五

仙人結亭就松樹至今松色離離青松間時復有人至  
惟見石壁銜清冷霜催客鬢不辭醉日落秋聲誰可聽  
仙人此際俯視笑海山亭閣雲長扁

遊伯積東園

不知門徑處黃葉自成堆是爾種瓜地爲余攜酒來秋  
風生水曲霜月轉城隈已遂十年約重傾九日杯

別萊陽

十日醉眠穩都忘東走迷離心忽渺渺客路又栖栖霜  
樹明見野城烟寒過溪羸驟如有戀却望郭門嘶

暮抵棲霞

秋色組青黃幽叢亂松菌晚日照逾妍空烟寒向盡山  
深路屈盤霜老風淒緊草際清淺流紆迴似相引峯開  
睥睨明水闊樓臺近謨疑到汪洋已見驅蛟蜃入郭如  
有獲披圖始自哂託宿碧霞端仙期夢應準

絕句

萬里海風吹片雪紫皇一笑電光開霜寒歲晚梧桐老  
飢鳳啾啾何處來

李詩孤飛一片雪

隔清洋水見山寺寺門霜葉甚盛

斜日秋山一掩明寺門迢遞落鐘聲半篙白水千紅樹

疑到櫻桃澗底行

福山有櫻桃澗

觀海集下

六

福山縣就同年陳踞庵宿語次及長安故人

入門一長揖相見海山間把酒對明燭何如疇昔顏寧  
辭我獨醉聊與子同閒已結紫霞侶空懷青瑣班

對酒寄任登州具茨時久淹歷下

蓬萊主人深避客何事三秋歸未得故人却趁西風來  
拏舟徑到三山迴羣仙招我入雲去自愛掉頭不肯住  
拚將身計託糟邱忍使情交隔烟霧霧重霜深醉起遲  
惟憑海日寄相思遙憐束帶趨公府正是神山日上時

被酒贈踞庵

踞庵天性不飲而家蓄青酒甚富詩才亦起

陳生意氣何卓犖每謂古人今可作餘力間出爲新詩

清響夔然動寥廓壯懷方擬凌雲烟剛膽翻令怯杯酌  
應緣造物忌英雄恐爾狂酣搖五嶽我從放後拙言詞  
不遣悲吟赴謠詠酒兵積漸亦已疲猶領偏師且前却  
昨攜短策逐鴻蒙西風吹背霜侵脚始過東武後昌陽  
隨處虛船自漂泊舊知不棄邀我食一一盤筵致珍錯  
徑將海國比屠門總使甘鮮換藜藿飢腸雖充如有亡  
意外新醅失前約濁賢接跡來無時強飲終羞鷓鴣杓  
竭來訪子之采陽但欲高歌激海若清樽入手忽信眉  
一洗胷中九秋惡怪君不飲有厚藏正似束書置高閣  
投轄便爲十日歡留賓立盡千金橐寒山蕭條雲壓城

觀海集下

七

缺月微茫夜傳柝聽君吟誦鶴唳天看我沉酣魚縱壑  
人生適意貴當前夢擾魂驚真醜醜常持美酒對故人  
多事祖洲求大藥

秋盡日感懷

鄉俗以十月朔上  
冢今年正當立冬

西望寒山千里秋飄飄身落海東頭壯心豈爲金丹誤  
往歲空將玉舄留不覺衣裳侵霰雪遙憐車馬擁松楸  
清霜事畢黃花了明日新成一種愁

久滯福山贈邑中諸君子

山城倚滄津著眼若黑子由來蘊仙靈乃有佳人士二  
鹿各好文一郭猶秉禮龐眉陳文學言必舉前史我友

瑰奇姿瑛抱脫泥滓雖異鄴中才頗與竹林似見我皆  
歡顏迎我皆倒屣邀留散煩懣日夕醉多旨我如失林  
鶴飄飛不自止何意洪厓儔披雲笑相視尚想崑崙顛  
一候蓬萊市移家定未能且住爲佳耳

始見海

洗眼看雲海前期未參差心目忽一豁神情恍四馳大  
地直前赴高天歎下垂顛波從東來神山競西移斜日  
萬里碧寒風十月吹半生在埕井跬步臨津涯蠡測亦  
云妄桴泛將安歸玄虛尙可作詞賦猶能追

望之采二絕句

觀海集下

八

誰臨青鏡裊烟鬟夕照遙分海面山傳語蛟龍守宮闕  
暫令仙侶住人間

屈指秦皇勒石年雄文二十字流傳當時總遣山爲碣  
誰向滄溟護一拳

題海岸小溪

沙岸坼遠海微涓先見容爲憐江漢水萬里始朝宗  
雪晴過海上適海市見之采下自亭午至晡快睹

有述時十月十日

今晨雪乍晴寒日升扶桑出門邀河伯東嚮同眎洋昨  
日之采山紫翠點水如鴛鴦未至二三里見人欲飛翔

坐來忽復不相識，迴峯疊嶂皆摧藏。赫然烟靄中，城郭  
連帆檣。疑是秦樓船，歸來閱千霜。又疑瑤宮典貝闕，神  
山倒影滄流長。飛仙驂虎豹，晃漾凌波光。招招不得語，  
目極天蒼黃。同遊競指是海市，對之使我神揚揚。歲序  
剛，冰雪魚龍走顛僵。非時出現麗，此遇超尋常。當年蘇  
夫子，雄詞自炫驚海王。慙予本凡才，未敢縱筆相頡頏。  
不請亦得睹，失喜欲發狂。巨川細流兩無拒，信知大海  
真難量。準擬還家詫鄉黨，詎肯此地辭杯觴。天窮人阨  
總莫問，微塵大地俱荒唐。唐客散，境變滅半山。還夕陽醉  
歸却聽暮潮上，浩浩天風吹面涼。

觀海集下

九

月夜飲酒燒蠟房贈陳康海

月滿古鏡耀潮至，羣龍吟主人有玉壺。屢爲酒仙斟，仍  
呼丹砂童。吹火竹爐深一煉，碧山骨遂陳綺席。琛杯吞  
渤澥，波食割蓬瀛。岑不惜盡寒夜，因君豁煩襟。

泛海言懷

忽登萬斛舟，如躡長鯨背。寄身入無涯，曠覽乾坤態。潮  
動風色道，棹急雲光碎。潛隨元氣遊，迴出人境外。千山  
相簸蕩，六合欲橫潰。頓覺喪吾我，何知齊小大。幼安漂  
泊久，謝傅襟情在。誰發小游謳，迴颿引雄槩。

卽事

大雪三日十日陰窮冬坐學秋蟲吟茲遊汗漫不自解  
對客昌披非我心山翁折屐村徑滑稽子送酒寒更深  
不如却訪成連去萬里雲濤無路尋

晴日村南

朝曦上窗戶許我出村行海映半天雪松吹十里晴溪  
流有歸處鳥雀盡寒聲不覺山中客遙牽歲暮情

再寄任登州

歷下亭邊秋色改明湖寒水東流海飛雪滿天不見君  
廻賓爲主遙相待海上沉沉絕素書經時烹盡錦鱗魚  
請君歸掃蓬萊頂我欲丹青騎白驢

觀海集下

遣懷

東來作計近全非半欲棲遲半欲歸病喜賓朋同雪夜  
寒知僮僕尙秋衣沙鷗日久隨人狎塞雁天長背海飛  
久不得家書何許差堪解愁思清樽激澗蛤蚶肥

大雪日簡踽庵

飛光誤我守東隅坐閱杯中節候殊蝶化寒宵渾自覺  
萍依絕岸未爲孤辭家見月三圓缺對雪看山半有無  
宿醉欲醒千日過人間何意尙迷途

赴登州留別康游

微雨牽行色離觴且對君預愁見何日不惜手輕分遠

海高於岸空，烟聚作雲來。朝倚仙閣吟，望背斜曛。

### 海潮庵

萬里青蓮色，虛空擁化城。人隨游鳥至，僧帶磬聲迎。梵  
唄潮相應，樓臺蜃不爭。登臨悟無住，渾欲厭浮生。

### 蓬萊閣望諸島歌

君不見不周崩摧地，維裂東南海濺共。工血千山萬山，  
皆平沉鼇撐無力。海水深，女媧揀石煉天色。餘塊纍纍，  
向空擲落處。蓬萊幾且清，看當霜雪寒逾碧。長山西接  
沙門，長鬣磯北去，凌蒼蒼。牽牛滅沒見，尻臂大竹小竹。  
爭頭頭，或如星槎墮河漢，或如古鼎騰光芒。魚鼈戢戢

### 觀海集下

十一

盡昂首雲霞，歷歷森成行。餘者瑣細不足數，鷗浮鷺立  
參微茫。雄觀何年付高閣，丹邱縣圃簷間落。雲臥分明  
見鳳麟，天飛真擬駿鸞鶴。驚風颯颯碣石來，銀濤連山  
中。劃開漂搖島嶼相，塵戛激盪海底生。轟雷登高望遠  
心，易哀黃昏白日須臾。催半城烟火下山路，身是仙人  
被放廻。

### 坡仙祠

五日登州守，千秋海市詩。蛟龍留勝跡，雨雪滿荒祠。才  
覺乾坤盡，名將日月垂。丹青餘想像，漂泊識鬚眉。島翠  
堆虛牖，簷絲罥斷碑。仙靈幾延竚，山鬼強攀追。黯淡蒼

苔氣凋殘碧樹枝壽陵歸國步鄰舍捧心姿徧選丹厓  
字誰爲黃絹詞寒山公獨在坐臥我於斯酒酌滄波遠  
吟航夕照遲方平有雲駕肯負執鞭期

田橫寨詠古

骨換黃金赤驥趨何煩絕海覓龍芻但令和氏能知玉  
謾道齊門總濫竽舍客三千兩雞狗島人五百一頭顱  
憑誰寄問重瞳子死到虞兮更有無

大風登海鏡亭觀潮

疾風鼓窮冬大海勢一變頓收浩淼形坐獲奇麗觀聳  
身列缺旁側足虬龍呷管如倚閭闔下見玄黃戰波騰  
銀屋翻沫吼白雨亂萬靈助呼吸百怪互隱見東連湯  
谷沸北汨雪山轉恍忽掣丹厓蒼茫吞赤縣天吳本肆  
威飛廉苦相煽莫測天地機但覺心目眩倍看城市親  
遙被舟楫羨一笑險夷間吾生失憂患

海潮庵觀出月

晚潮碧豔黠寒月金玲瓏誰持琉璃盤捧出蛟龍官方  
圓隨想像根蒂生空濛黏雲欲飛動蘸水聊從容長風  
蕩千山夜色明萬重幸依繫象前得闕顧兔蹤披懷倒  
水壺揚袂拂桂叢七寶待修合相期跨星虹

食水族有名海腸者戲爲口號



越國佳人空有舌秋風公子尙無腸假令游作便便腹  
尺寸腰圍未易量

登州雜詩十首

城作連環帶嶺斜女牆三面水仙家祇緣南去人間近  
放盡雲山未得遮

萬松誰見俯滄流往跡銷沉不可求聽徹清鐘海生日  
更無人倚望仙樓

萬松堂見坡詩基址莫  
考察仙樓今爲鐘樓

按圖隨地賞佳名暮暮朝朝最有情湧月亭前潮大止  
海潮庵外月初生

閣自巍峩山自丹惟餘碧海引憑欄更添翠樾青林絕

觀海集下

十三

真作蓬萊頂上看

蓬萊閣在丹崖山  
上恨無竹樹相映

朱榜雕牆擁達官篇章雖在姓名殘有人齒冷君知否  
靜治堂中李易安

丹崖石刻姓名多毀靜治  
堂趙明誠守郡時故額

獅洞雲臺虛瓦石日樓風館總凋零要看烟月清真處  
只有宣城海鏡亭

亭爲宣城施愚山  
侍講所名有題記

不見羲輪碾碧潯連天紫電掣黃金想應堅我重來約  
千點蒼山萬里心

東南山障竟  
不得觀日出

天橋潮滿進船多夜傍紅樓燐火過小海舟人曉相語  
當年脂水漲鯨波

小海在水城內勝國時夾斥  
歌樓最稱繁豔今間有址存

爲愛金沙出郭看一洲水段葉聲乾不須苦憶花時節

君子由來有歲寒

城西有金沙泉猶以種蓮名君子洲

青泥秋染客衣新  
忽忽冬殘又逼春  
馬止迴鞭揖雲海  
今年許我作詩人

却望登州

碧水遶丹山  
重城雲雪間  
迴看身臥處  
真作海中閒  
誤被神風引  
遙尋陸地還  
故谿堪枕漱  
仙路莫輕攀

早發沙河店是前年却迴處

過此望海惟見霧氣

沙和積雪壓村低  
客路曾經到此迷  
三載迴環貪碧海  
半明行李信黃雞  
東來日射山形斷  
北下天橫霧陣齊  
破浪雄心渾未慳  
乘風更問大荒西

觀海集一

古

說海

我本滑稽雄  
平生喙三尺  
偶窺白玉京  
誰假青雲翮  
空爲舍人憎  
豈得紫皇惜  
鐵羽投故巢  
舌在嗟無益  
故巢富林木  
亦復饒山石  
木使人恒寒  
石使人恒瘠  
非無清冷對未足  
蕩心魄  
笑談苟不舒  
天地亦云窄  
昨過北海頭  
視聽忽開坼  
茫茫造化形  
有與無相積  
日月避路行  
陰陽勢常隻  
九州巨浸中  
飄漾若一席  
蛟龍所棄遺  
今古爭窟宅  
空濛倏變現  
世界生歷歷  
真妄理無殊  
觀者自憚赫  
迴頭閱人間  
何處爲陳迹  
歸來每注目  
恍惚雲濤碧  
危言貺好事  
竊比談天客  
臨觴決百川  
向若寫胸臆

臆寧惟引君醉更欲取我適

飴山詩集卷之六終

觀海集下

